



Broj: 01/14-04-4800-1/23
Sarajevo, 14.06.2023. godine

GRADSKO VIJEĆE GRADA SARAJEVA

N/r Jasmin Ademović, predsjedavajući Gradskog vijeća

PREDMET: Mišljenje na Prijedlog Odluke o pristupanju Projektu osnivanja naučno-istraživačke infrastrukture „Tech4Green” i Prijedlog Odluke o dopuni kalendara obilježavanja datuma i događaja značajnih za Grad Sarajevo, dostavlja se

Poštovani,

Postupajući u skladu sa članom 117. stav (2) i članom 122. stav (4) Poslovnika Gradskog vijeća Grada Sarajeva („Službene novine Kantona Sarajevo”, br. 28/09, 11/20 i 19/20), a u vezi sa dostavljenim Prijedlogom Odluke o pristupanju Projektu osnivanja naučno-istraživačke infrastrukture „Tech4Green”, čiji je predlagatelj predsjedavajući Gradskog vijeća Grada Sarajeva, i u vezi sa dostavljenim Prijedlogom Odluke o dopuni kalendara obilježavanja datuma i događaja značajnih za Grad Sarajevo, čiji je predlagatelj Klub vijećnika/ca Naše stranke, a koji trebaju biti razmatrani na sjednici Gradskog vijeća Grada Sarajeva po skraćenom postupku, dostavljam sljedeće:

MIŠLJENJE

- Izvršenim uvidom u dostavljeni tekst Prijedlog Odluke o pristupanju Projektu osnivanja naučno-istraživačke infrastrukture „Tech4Green” utvrđeno je da pravni osnov za donošenje iste sadržan u članu 31. stav (1) tačka b), l) i k. Statuta Grada Sarajeva („Službene novine Kantona Sarajevo”, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje, odnosno da osniva javna preduzeća i javne ustanove i druga pravna lica za obavljanje privrednih, društvenih, komunalnih i drugih djelatnosti od interesa za Grad Sarajevo, kao i da upravlja i raspolaže imovinom Grada Sarajeva, kao i članom 76. Statuta Grada Sarajeva koji uređuje saradnju Grada Sarajeva s kantonalnim, federalnim i vlastima Bosne i Hercegovine, i na istu nemam primjedbi.

Uvažavajući naprijed navedeno, mišljenja sam da se predmetna odluka može razmatrati na 29. sjednici Gradskog vijeća Grada Sarajeva po skraćenom postupku u tekstu kako je i predložena.

- Izvršenim uvidom u dostavljeni tekst Prijedlog Odluke o dopuni kalendara obilježavanja datuma i događaja značajnih za Grad Sarajevo, utvrđeno je da je pravni osnov za donošenje iste sadržan u članu 31. stav (1) tačka b) Statuta Grada Sarajeva („Službene novine Kantona Sarajevo”, broj 7/23) kojim je propisano da Gradsko vijeće donosi odluke, druge propise i opće akte, a u vezi sa članom 1. Odluke o obilježavanju datuma, događaja i ličnosti značajnih za Grad Sarajevo („Službene novine Kantona Sarajevo”, broj 3/23 – prečišćeni tekst) kojim



je, između ostalog, propisano da je Kalendar obilježavanja datuma i događaja značajnih za Grad Sarajevo sastavni dio ove odluke, i na istu nemam primjedbi.

Uvažavajući naprijed navedeno, mišljenja sam da se predmetna odluka može razmatrati na 29. sjednici Gradskog vijeća Grada Sarajeva po skraćenom postupku u tekstu kako je i predložena.

S poštovanjem,

GRADONAČELNICA

Doc. dr. Benjamina Karić, s.r.

Dostaviti:

- Naslovu,
- Evidencija,
- a/a